

影印
文淵閣

四庫全書

影印

文淵閣四庫全書

第一二〇九冊

北京出版集團公司
北京出版社

本冊目次

淵
附
穎
文
獻
集

集 錄 集

明元 明元
張黃 宋吳
儉潛 濂萊
編撰 編撰

.....
一
二
三
五

欽定四庫全書

集部
淵穎集卷二

詳校官庶吉士臣初喬齡

侍讀臣孫球覆勘

總校官編修臣王燕緒

校對官中書臣宋枋遠

膳錄監生臣薩龍光

欽定四庫全書

集部五

淵穎集

別集類四 元

提要

臣等謹案淵穎集十二卷元吳萊撰萊字立夫浦陽人延祐中復科舉之制以春秋貢於鄉試禮部不第後以薦署饒州路長鄉書院山長未行而卒年僅四十四其門人金華宋濂等私謚為淵穎先生據其謚議取經義元

欽定四庫全書

淵穎集
提要

深為淵文詞貞敏為穎也萊與黃潛柳貫並受業於宋方鳳再傳而為宋濂遂開明代文章之派故年不登中壽身未試一官而在元人中屹然負詞宗之目與潛貫相埒遺稿甚夥濂為摘其有關學術議論之大者編為斯本青田劉基序之碑文謚議一卷別為附錄張綸林泉隨筆曰吳立夫諭倭書蓋其十八歲時所作規模仿司馬相如諭蜀文其末所

述諭其王之言雖古之辨士莫能過也其他
大游觀日兩賦與夫形釋秦誓論補牛尾歌
詞等篇皆雄深卓絕真先秦先漢間作者黃
潛亦稱其文蘄絕雄深類秦漢間人皆未免
濫量胡助謂他人患其淺陋而萊獨愚其宏
博斯篤論矣王士禎論詩絕句有曰鐵崖樂
府氣淋漓淵穎歌行格儘奇耳食紛紛說開
寶幾人眼見宋元詩實舉以配楊維禎士禎
所選七言古詩乃錄萊而不錄維禎蓋維禎
為詞人之詩萊則詩人之詩恃氣縱橫與覃
思冶煉門戶固殊士禎論詩絕句作於任楊
州推官時而古詩選一書則其後來所定所
見又深也乾隆四十六年九月恭校上

總纂官臣紀昀臣陸錫熊臣孫士毅

總校官臣陸費墀

淵穎集序

太上有立德其次有立功其次有立言三者不同苟有
一焉皆足以立乎天地之間而無愧於為人矣自世之
言者陋文章之習而高德行之士伸一人於千萬人之
上其意將以懲夫末流之敝云爾非所以顯道神德行
也古之聖人德脩於身矣而又欲天下皆如吾身之脩
也豈惟天下皆如吾身之脩哉而又欲後世皆如吾身
之脩也天下盡乎人矣吾身可以及之後世非止乎今

欽定四庫全書

淵穎集
序

也吾身烏得而及之是則吾德之所被而吾功之所樹
者亦鮮矣然聖人必欲使天下後世皆有以及焉則立
言其可少哉六經聖人之文也所以為天地立心為生
民立命為萬世開太平者非細故矣由是以降苟非申
韓之刑名管商之功利儀秦之捭闔孫吳之陰謀楊朱
墨翟老莊釋氏之淫辭邪說則凡是非不詭於聖人者
其於人心世教豈盡無所裨益哉翰嘗讀賈誼董仲舒
之文而恨當世不能盡用及觀揚雄之太玄法言又歎

時人少有知者以為豪傑之不過大率如斯故不待論其言之傳否而深為有國者惜之南北混一以來朝廷太平之治垂及百年仁恩福澤結在人心而紀綱法度寢不能無弛先生當延祐天歷之間嘗慨然有志當世之務矣其擬諭白本書蓋其十八時所作也人謂其有終軍王褒之風其論守令鹽筴楮幣事逮今十有餘年執政者釐而正之往往多如其說先生析辭指事援筆頃刻數百言馳騁上下要不失乎正雖處山林未嘗忘情天下使其在官守言責之列推明古者所以立極成化之道為吾君吾相言之當不止是也而先生命不與時偶器不求人售素又羸弱多疾未中歲而早卒今之著于篇者殆猶未盡其蘊也初浦江有宋儒者曰方韶父先生師法為學者所宗知名之士如侍講待制柳公皆出其門晚得先生尤奇其才而以斯文望焉先生貌寢陋言語若不出諸口而敏悟過人得於天性少嘗從族父幼敏家竊取書觀之族父知而叩之靡不成誦博

聞強記與之游者皆自以為不及會有司舉進士遂以春秋中鄉試北至燕東浮于海好為瑰奇雄偉之觀見人固守章句意頗陋之然則先生之所負抱者為何如哉惜其學不見於用而世之知者鮮也門人宋濂懼其泯而不傳迺彙次其詩文為集若干卷俾翰為之序嗚呼翰昔受教於先生竊觀先生之所以用其心者期以立乎天地之間無愧於為人焉耳烏暇較一世之短長哉故論而序之信是集之不可不傳也先生諱棻字立夫至正十有二年秋八月二十六日門人金華胡翰謹序

欽定四庫全書

淵穎集卷一

元 吳萊 撰

大游賦 并序

毗陵道士盛允升東游會稽予聞其風神穎異被服蕭
然蓋將自是而汗漫六合者也張君子長約同送之賦
用是作遂題曰大游

夫何一高士兮獨曠視乎八區朝吾車之夙駕兮夕予

欽定四庫全書

淵穎集

卷一

至於清都仰天路之迢遞兮挾陵陽而與俱遡剛風而
顛倒景兮浮沆瀣而喻青霞蜚廉起而前導兮擊靈輿
使後驅素蜺天矯而為纓第兮神鳳擁襪以揭旆恍大
游之所歷兮撫四海其無家嗒塵濁之不可以止息兮
吾將抵乎崑崙之遺墟嗟東轅之我頻兮探宛委之嵌
穴帝禹告予以所藏兮發濤江之漲雪登桐栢之蘄巖
兮瞰赤城之峭嶭颯蓬嶠而我欲徑到兮恐蜃樓之明
滅歛南轉而弭節兮過瀟霍之層峰放盛唐之滙怒兮

梁魚鼈而躡蛟龍倚巫峽之臺觀兮莽峨岷之雲松汧

丹丘予定不死兮躋羽國以從容忽浩歌而西邁兮適

金天之沃野遵黃河而跋石室兮王母被髮以嘯處尋

泰一與九嶷兮貫華陰之幽岵招韓衆而許度世兮固

肉人之弗遑遽觀廼北折而並去兮出鴈門之嚴寒恒

嶽縣亘乎不絕兮繼碣石於瀾漫搜赤鳥於遺榛兮簸

樓船乎狂瀾候鷄鳴而直上日觀兮吾特痛夫僊學之

艱難伊天地之晦冥兮倏陵谷之遷徙遭女媧之隴阜

欽定四庫全書

淵穎集

卷一

兮顧嵩少之崛起經陽都之酒家兮齊王屋之石髓披
河上之靈詮兮摘漆園之奧指惟小別而千齡兮復一
瞬以萬里劃孤鳥之丘垤兮洞蟪蛄之年紀心委蛇而
自神兮形曠蕩其離滓信吹萬之不同兮恒抱一以終
始胡久居乎寰內兮欲絕出於大荒扳建木而與為陟
降兮鉅鐵鏤於無旁瞻帝車之中運兮闔閭闔以上征
屈軫轅之踈伏兮耿招搖之耀鉞引孤井之壘落兮炫
奎壁之圖章繡龍漢之寶曆兮徹鬱藍之神鄉幸真身

於一氣兮卒齊壽於三光宜凡夫之穢濁兮又孰契夫
大道而翱翔自放懷於天外兮眇累塊於千億惕世途
之嶮巖兮危蠶螳之營役豈耽名而嗜利兮或酣酒而
溺色諒金石之銷泐兮竟丘壘之堆積嘆吉雲之鉅藪
兮縹步景而我服歎甘露之靈饗兮和水玉以為食彼
策精之有書兮吾尚懼夫青籙之弗得將藥珠之不遠
兮盡蚪蚪而莫識懿周流而至此兮聿笑傲以言旋樂
自然之日月兮攬無鞅之風烟歷洞庭之浩渺兮展林
屋之聯絲龍威蚺蟠而跼踞兮寶鎮晃朗而瑤鮮迺霄
崢之欲拊兮覺鼎竈之猶然燭大還而蟬蛻兮擊小有
以鶴翩躬虛無而不宅兮味澹泊以為淵等古今於一
軌兮混生死其同鄺儼坐在而立蛻兮蘊執袂與拍肩
真山澤之一臞兮夫豈論乎三廬暨九仙固道術之所
致兮曷曲詢而究旃馳箋語而往訣兮却永存於上玄

海東洲盤陀石上觀日賦

粵東游乎海徼兮得偉觀於陽阿登盤陀之疊石兮路

崦嵫以窺我天雞號而夜半兮暇欲出於重波恍玄幕
之沉黑兮惚火輪之蕩摩緬義和之有御兮扶木煜其
將花渺湯谷之不可以里兮屆高春其幾何嗟世寰之
安在今尚昧冥而未旦睹帝車之邪迹兮耿星宿於霄
漢漸島嶼之翳鮮兮益淼茫而瀾漫恐闌闌之猶爾夢
寐兮類蟄蟲之惛亂胡乾極之牽掣兮儼機軸之翕張
固陰泉之燐炯兮煥潛燧之奮颺煒跋烏之燿燿燦爛
兮渴喙解羽藐以迭礪鹹燭龍之燬燭颯昱兮熾頌煥
目頌其方驟縣燭鏡之熒灼炭焙兮鮫人泉客剽濯有
光振楨鼓之焱燝炫燁兮北落壁壘巖嶙前行指綵虹
之抱戴珥琦兮璀璨燦爛綢繆適皇想朱鳥之次舍軌
度兮豁達蘭轡何間耀鉉乘寒滂潮水之偵倒推盪兮
散曉靄霞氣之轆轤彩章迺蜚騰於寥廓兮竟瞋眦於
混茫繫高抗乎氛曠兮僅啓明之獨燦歟遠麾之廢燭
兮遽羣動之盡躍川后潛精而窟藏兮海童觀曜以聿
愕蛟鼉揚鬚撥鬣以悠漾兮鴻鶴刷毛挾翅而陵薄莽

琅瑯之躋臺兮泐鯨山而畫其燧也聞羅浮之閭井兮
混蜃穴而夜其燐也迅夸娥之杖策兮懼追逐而莫之
跳連也怒魯陽之揮戈兮恠盤礴之弗吾規轂也惟圭
臬之可測兮奈隙駒之焉託恒鞠明而究曛兮遂壯凋
而老鑠昔聖賢之有法兮實蓋渾之同天矧鍊石而凝
質兮復斷鼇而鎮淵將渤解之鑿竈兮淪谷底而迭燃
抑崑崙之嶮峙兮繞巖腹而互旋豈文身黑齒之俯邇
所出兮貫裸壤以相連或崦嵫濛汜之遠歷所沒兮罄

欽定四庫全書

淵明集
卷一

五

八國之窮壖歎嚴冰與朔雪兮曠古莽之鮮覺常眠惕
重蒸與疊藪兮炊炎丘之毒瘴霾烟諒衆人之懜陋兮
特蜂螳之撲緣偉小兒之辯智兮雖睿哲而勿宣彼凡
俗之多故兮過曙朝而即競誠旦晝之枯亡兮嚮晦昏
而暫定紛仕學之攘爭兮集農商之鬪迸淫末作以相
資兮侈利心之百竅儻桑榆之不復滅沒兮盡奪時而
力政願鬱儀之恒若溟滓兮庶保躬而固命叫曉壽而
催闢兮警宵柝而告靜信舉筴而豫知兮幸聞鐘而深

省何觀瞻之不足兮重徙倚以盤桓光已通於一躍兮
影奚候於三竿逮層溟之畢露兮屹東霍之巖巖念列
仙之獨往兮扼羨門於波瀾割孤嘯而陟降兮撒蒙節
以忻歡顧秦越之邈不相及兮又焉論夫遠近於長安

羅浮鳳賦 并序

羅浮鳳者海南小禽也家君自嶺嶠回挈之北上予嘉
其身負文采拔去幽阻而欲自售其羽儀也是知士之
抱道德懷文章無微不聞無遠不達豈肯久滯於天涯

欽定四庫全書

淵明集
卷一

六

海角之墟而遂已乎雖然子愧多矣乃為賦曰

惟海邦之異產挺羽族之光華育火德而有耀控離垣
以為家迤赤土之重漲眇丹丘之僻遐顧性命之淺薄
特盤桓於烟霞原夫自南自北載蜚載止蜚不妄棲棲
必倒時青飾衣於紺流爪背信鳳藪之多奇類龜臺之
所使吮夕秀於紫芝嚼寒香於瓊蕊雖斤鷄之同羣固
鸞鳳之等美於是本山川之迢遞美體氣之自然胡虞
衡之弗及隔瘴癘以能全戒羅氏而弋舉命島夷以籠

遷望上林而奉進跋神嶽以增妍念安期之蓄養受抱
朴之矜憐守一枝於嶺木得數粒於崑泉忽獸圈之可
近任蛇微之長捐尚蓬蒿之改觀何鼎俎之容羶當其
緬南國之蒸爍汧古龍之沉隘宜稟賦之爾殊渺狼眈
之昏昧裸黑質而無繒甕鱗軀以弗醕奈屋居之何有
望魚鼈而犇沛胡鷁鷁之種族獨黼黻以藻繪矧鞅莎
而臆蘭匪距金與羽芥獻麗容而自媒炫靈表而罔害
將尤物之移人豈凡禽之一概若乃考黔羸之所毓鍾

品彙而降祥負英姤而可貴閼草莽而愈彰心恒馳於
北闕跡曷屏於東岡薦董賈之術業熾淵雲之辭章偉
畎谷之文翟諒備采而有光遯炎洲之孔鵬或聚冠以
見戕幸全生而特遇肯處遠以回翔儻遲延於歲月恐
滅沒於殊荒然則偶時景之和暢跂閭闔以凝好稽師
曠之補經驗治長之辨語感軒閣之銜圖副舜庭之率
舞聲格磔而應弦勢盤旋而列簾祠爰居而眩惑奏鵬
雀以笑侮卯條支而必致毛拂菰而曷舉彼尋常之猥

陋雖蘿落其若阻相盛德之休明謂萬里而來覩是故
士當貴而自重世何嫌於處卑罄山谷之巢穴夢朝廷
之羽儀仰天地之廣大拔聖賢於窮羈極英材之銜鬻
忍道德之擲遺惻朔風以吹野慘寒雪以刮肌屹碧梧
而弗實挺篁竹以無枝鼓乘傳之壯志蘊弃繻之妙姿
奈貳負之久枯窘侏儒之長飢庶飛搏於鵬路終飲啄
於龍池尚茲鳥之比數遂歷言而詠斯

歎疾賦

伊天地之常運兮何我生之邁屯罹終歲之奇蹇兮斷
一元之淑醇莽門徑其委草兮淒戶牖以凝塵寘冠衣
而不理兮念動履之艱辛揆世靈之有植兮本胎氣之
稟育粵襁抱而多厄兮謂乳湮之不足胡肌髓之肢削
兮僅側身而于陸矧食飲之稀薄兮略鋪糜於鼎餽顧
廬伍之同處兮雜悲歡與慘哭喑寒暑之中人兮逞苗
淫而瘴毒諒輾轉之無已兮竟沉痾而反覆尚何藥之
起予兮幸我神之來復惟聖人之所慎兮儼前訓之著

龜信軀命之實切兮曷戰兢而自持奈衰風之竊發兮
挾冷血以侵斯漸黃槁而痿蹶兮致潄泗以殿屎高山
嶮其傷陽兮痛壞木之無枝廣澤淤而積陰兮懼窮魚
之弗移儻前腸而沆胃兮特湯劑之我遺庶扶形而矯
摩兮固俞扁之可期當田野之蕭索兮忽雪霜之交摯
彼蠢翹之有知兮迺坏蟄而自悶龍何潛而弗蜚兮蠖
何屈而弗肆相昆蚊之各以其時兮豈長羸之多懟畫
犇躍而亟思兮夜睥睨以忘寐人疴攻蟄而戕賊兮世
欽定四庫全書
淵顯集
卷一
九

兮置事功而弗獲恐後日之併無此身兮虛名實而罔
績緬嵩少之有隱兮曰烟霞之膏肓指龜策之可暮兮
懷椒醕而降祥彭祖偃僂而下窺兮尚援膝乎若鷺接
興踈蹕以自鑒兮窘霖雨而肆狂漢史病而留滯兮感
封禪之從行唐傑憊而悲憤兮賦棠梨以惋傷顧真材
之豈不爾遇兮恍景耀之弗彰斂驚翎而使飛兮綵驥
足以待驥況我躬之踳躑兮愈遲暮以潛藏惜脩名之
未立兮笑鬢髮之先霜抗龍文之鼎鼐兮摘虎首之輦
欽定四庫全書
淵顯集
卷一
十

囊吾尚擬夫列仙之可學兮佩丹訣而不敢忘

起病鶴賦并序

予少多病嘗作病鶴賦以自況蓋言訥然如不出口身
退然如不勝衣後雖稍自振於時亦不克也然其稟已
不存矣嗚呼予病久且痼其尚可以未起乎起之在我
而已於是復作起病鶴賦并以示知我者

伊元造之播物有九臯之靈禽稟幽心於藻質散縞翅
與玄衿倚高丘之石室瞰蓬島之清溔眇八紘於一舉

曠千里之遙臨然而山多藏陰野積冰雪老松無柯百
草肅殺圓吭塞喑弱脰摧折赤精眇昏纖趾蹙躡胡志
向之殊卑尚光儀之迴潔匿平林而羃迷壓巨壑之劓
裂是以前瞻怵愾後顧慘澹投蹤灌木憩影沙坻靜非
馴擾動若羣羈徘徊蕭索躑躅險巇奈世氛之混濁憶
天路之孤危望鴻鵠而不及愍燕雀之陵欺俯爭枝於
斥鷃遠絕軌於長離顧雲海之日隔窘稻梁之恒飢幸
樊籠之匪觸豈矰繳之來施亦何恙之不已廼歷年而
留茲至若高步自怡嘯呼同侶拉颯思奮踉蹌起舞風
生則虛曠露隕則淒楚拊青田之故巢睨華表之遺柱
夷采薇於崑谷憲含糗於環堵駟蹇剝而罕逢鴻敷亢
以多忤唏胎化之尚然睠帝鄉而延竚抗衆彙而不羣
懼終身之畸旅於是韜養既久栖跼載寧土木內蓄火
金外形梳理碎玉副除殘腥美門許其子于玄俗惜其
矜竦植武丁之寓篆發維嶺之藏經服仙人之上乘擁
太古之遐齡故能一洗塵滓直遡寥廓仰拂紫宮迴翔

金閣過夷羊於南維窺壁壘於北落濯長河之奔流凌
倒景之照燭導素蜺之飄揚櫻鶉鳥以距攫躔建木之
絕標躋神芝之奇藥然後希一真而永固超無極而磅
礴曰復予之本初竟誰辨其所至之垠鄂惟天地之一
指忽古今之紛更人何窮而不達物何悴而不榮將人
物之多變豈禽鳥之異情苟相時而能動雖處困而必
亨是故邦治身出身顯道行奉周廬於旦夕視萬乘若
友生負文章之綺麗馳論議之崇鉉一賜則明珠白璧
再寵則三事九卿方解茲之舊紱庶息我之前黥可無
心於祿位終不日而蜚鳴大舜來鳳於樂奏宣尼致麟
於文成即援毫而興起又孰不仰德而聞聲

狙賦

我觀世間何異厥狙狙公執技役我庭除投瓜斲果拳
養飽腴牽繩拽鎖奮躑躅呼側身酣談恐慢足跼頌項
瞠瞠變幻首顛動因頤指靜類歷林恍惚錯愕滿堂胡
盧粵自童幼被彩弄離長跳短躍嬉戲有餘忽然壯強

精幹猛軀急操襲取智慮畢輸亦復病苦顛顛困膠佯
顛詐死靈藥在壺豈或老衰涕泗垢沔曲顯偃臚鳩杖
給扶相彼仕達綽有時譽巧張鄉評雄跨宦衡文馳觚
牘武執戟父橫施爪距憤磔牙鬚高門縣簿伺候趨
豪威勢卿語話聒嚙白虎獻議銅龍握樞模稜唐手霹
靂漢符升堂踞坐呵喝擁驅奔律舞法鞭梏刻刻神奸
出沒拉羈扼驅頑貪集戾盜鹿攘瑜貴與利期貨貝具
儲寵則驕至跋躡同塗膠目塞耳褫冠裂裾行遭僇辱

欽定四庫全書

淵頤集
卷一

七

泣赴刑辜載觀富盛擅爾里閭經營家室粉飾體膚連
檣白絮負郭黃淤沼池魚鼈峙檻鴨豬業可必得事在
必圖嬌奢服履洒液杯杆窮聲絲竹極色麗姝弗農宗
奢匪賈積帑自晨及暮鴻弋免罟分房割與許帚德勑
齒霜嚙齧舌電翳噓侵貧併弱欺憐侮愚春花秋葉更
苑逋枯先笑後號去車就途胡然比附竟作睽孤餒哉
氣力孰不丘墟當其為人尚有以娛殘骸斷齒螻蛄焉
烏或者為鬼抑又可歛鱗肌角鬣魑魅夔魑一時之頃

幸不汝拘衆人盡然殆不我誣周公之衣勉強曳婁吳
王之矢巧捷速殂身何置網手且捋荼疇云智譎有是
勤劬假靈木客通怪山都雖則多幻盍忘爾初嗚呼茲
世莽矣一區視其有作意在覬覦悲歡交禪福禍並趨
小苛可略山嶽弗殊治安何玩兵亂卒瘁暴秦殄楚勁
越戕吳三國鼎立材勇與俱龍虎鳥蛇陽陣陰謀五部
雲擾羗戎相屠弓弩甲旗北騎南驢椎擊鼓批却窾骨
輒攻戰圍禁形勢亢虛塞關在前慎不可踰芽蘗在後

欽定四庫全書

淵頤集
卷一

七

淪胥以鋪時風哀樂史筆賞誅醫國無術鑄人曷模天
開地闢四海蓬廬人消物盡萬世須臾惟狙拔扈盤踞
自如昔非刻狗今豈乘狐我思世故何計有無緝之成
賦用戒薄夫

定命賦

昔岐周之懿哲兮垂末躅於勾吳延州來之閭博兮秉
世德以作模予既稟此美質兮參兩閭而與俱日礪礪
以頡頏兮違陋巷而適通都膺文華之被體兮結雋逸

以先驅翮黃鵠之千里兮炯驪龍之吐珠倚山丘其峻

峭兮汨河海之盤紆奇材未得以自致兮恐薄俗之淪

胥叱玄夫為子枚卜兮徵吉繇以弗渝曰心遠而跡滯

兮何時命之獨拘怡怡其曠懷兮惕惕以深省收羣器

於一點兮守不動於真靜規豪舉於鴻冥兮混牧芻乎

鹿町胡魁梧之數奇兮彼撲鈍則猶天幸遵大路豈不

可兮莽荆棘使吾騁亦欲逃於空虛兮走赤日將焉避

影聿軒騫以有行兮仍輶軻甘所屏離當世之紛紜兮

欽定四庫全書

淵明集
卷一

五

合自然於溟滓羌造化之無象兮妙機關之翕張叢生

植之各異兮肖智愚以何常役中心之閏雜兮煽六鑿

之披猖朝奔騰靡所止兮夕偃息恍若有亡洒屏翳之

淋漓兮吹招搖之耿光習而出於神奇兮儵又臭腐不

得當邈自古之若茲兮哀吾生之不淑時汝形而益懼

兮怪汝志之彌蹙言蹇澀以少味兮步踈蹕無所投足

奮散軻而衆嘖兮割肯綮以旁觸惟先儒之談王兮固

卓立以忤俗環車轍而至老兮陳詭詩以遭逐問蘭陵

悲芳草兮登鄒嶧感喬木憫素衷之墜危兮繇千祀其

芬馥彼曹閭之弗思兮行狹邪如平陸託黃老而險韙

兮攻春秋以阿曲亂鳬鶴之短長兮衝涇渭之清濁不

率循於中正兮每僥倖以致夫顛覆豈昔吾之自奮兮

今獨有此沉憂託松柏之幽蔭兮招鹿麋而與儔俯環

堵之湫隘兮猶采掇之雕鍤駕柴車之樸素兮亦炫曜

其華輶等羹藜乎梁肉兮齊衣敝於貂裘窮匪通其不

鄙兮賤無貴以何羞嗤予音之寡和兮譽汝罷之無不

欽定四庫全書

淵明集
卷一

六

周斯視聽之既狹兮曾不過曠與婁麒麟出而野死兮

鳴鸞鳳之耿耿幸定命之有在兮肯他岐之往謀何艷

陽之駘蕩兮破寒谷之颼颼諒勾萌之畢達兮雖壅閼

其無由不吾用則亦已兮況斗絕於荒陬終越秣以燕

刷兮夫何足以自尤

尚志賦

惟太區之寥廓兮紛庶物之憑生藐予身之中處兮鬱

予志而不得逞竊獨嗜此古學兮指前哲以作程味詩

書之醇粹兮獵道德之精英悼世俗之馳驚兮吾何有
乎我行將歲月之不我與兮兀淹留而無所成沉憂以
氣索兮却立而質蠹攻蹙躡而狹步兮守町疇謂真蹟
審瞭目以霧披兮森竒肱而風厲墮泰華以施簪兮縮
長河約之帶翔商皇之掩藹兮叱麒麟使承蓋神若唏
而犇騰兮劔龜鼈乎濤瀨招屏翳予擗帷兮斬蚩尤以
褰旆折建木以指麾兮咲曜靈之西邁將欲往彼鴻濛
兮授予策乎霄漢亦或悲此骯髒兮發商歌於達旦盍

欽定四庫全書

淵明集
卷一

七

世氛之溷濁兮噓天籟乎崖竅薄高丘以闔遠海兮恒
恔怵而不顧返何偃偃以難進兮曰斂斂而則然顏子
默而樂道兮曾不滿夫一簞原生澹其居貧兮尚蓬蒿
之沒垣彼豈不談王術兮甘窮櫛之藐艱秉中心之皦
日兮輕外物若浮雲諒當時之謂憊兮猶千載稱其賢
沾吾生之沉抑兮將有繼乎古先炳予室之虛白兮纔
予文於太玄莽歛歛與時化兮希噉呿而道存棄騏驥
而蹠蹠兮登蹇蹇乎前軒滛桑濮之嘈雜兮九韶漠焉

無聞固泰豆之不世出兮又何見夫榮援彼何人哀時
命兮每嗟卑而嘆屈曷不尚予之志兮仰孟氏之遺則
繫老農之力田兮且多種而鮮穫矧竒士之環轍兮雖
凍餒其奚卹增螢爝以日晶兮積埃壘而山崩向汙泥
求夜光兮經劫火見垂棘惟傅巖之版築兮扳南箕以
興國亦有漁厥磻溪兮摧赤鯉以予翼挺爾躬之豪崛
兮肯受人之羈勒悖鄒魯之雅言兮建燕趙之矯節糅
瓊靡而我餐兮羅翡翠以為服秉剗剗而刺裁兮鏘和
鸞以游息撫鴻荒其若今兮觀六合為予窄齊窮達於
一塗兮與聖賢而同域翩丹穴之蜚鳳兮粲九苞之翕
昶將乘之以觀舜文兮孰知予情之至極

欽定四庫全書

淵明集
卷一

七

索居賦

粵吾生之寡好兮恒孤陋以索居步中庭以自念兮心
抑鬱而不舒沾予身之兀處兮撫萬化之殊塗豈寰區
之汝陋兮杳不知其所趨惟世氛之溷濁兮尚蓬藿之
藏匿將奮迅而激昂兮又遭迴以沉默去衆人之佻巧

今膺太樸以堅飭紛荆棘之柅行兮謂叩嶮其繩直肩
重任之迢迢兮固邪許之不力儻泛駕之有求兮策罷
駕且焉止息巡簷隙而詠歌兮撼戶樓以悲惻何初日
之成言兮乃棄予而不我即彼昔游之為豪舉兮曾同
處乎險巇羌結交以鼓勇兮肯羈囿之遑安抗沙塵而
志得兮巍弁冕之星橫既文鷁之炳耀兮嗤薜蘿以為
寒仰睇遠而弗及兮莽浮雲之瀾漫俯聽幽而若來兮
哀風激夫溪湍汨寥料其無景兮甘岨強以此蟠徒離
欽定四庫全書
淵源集
卷一
元
羣以蕭颯兮庶神氣之我完折松枝而拂石兮又植之
以青蘭宜道義之孺齊兮肯肥癯之異觀董生之談王
兮且有稱於不遇賈誼之明治兮謫長沙而徑去將屠
販之汙下兮恐紛紛而改度逮曲學之肆行兮使吾儒
之愆素古固有此混淆兮矧予今之馳騫寧窮達之措
懷兮曰美人之遲暮循自然之天運兮芳草藹其發榮
倚嶺岼之絕壁兮臨萬仞之潭泓歎淺渚以澹沱兮樂
儵魚之不驚構危巢其惴慄兮恍若聞乎鼃鼃非山林

之忘反兮奈世務之所嬰手不得以豎指兮目又何能
以逃睛因樗散之乏用兮託考槃之遺聲永言抱此幽
獨兮庸詎釋夫我悵

貧女賦并序

予春秋二十有二嘗偃蹇不得志因讀史記感甘茂貧
女分輝隣燭之語故作是賦以廣之

伊太鈞之塊圯兮敷動植於八紘茲女蹇其居貧兮乃
困苦而不得生惟室家之蕭索兮屬多難之來并空輾

欽定四庫全書

淵源集
卷一

子

轉其寤寐兮魂惕惕如有驚顧僿石之不儲兮支墻屋
之歌傾印鼠跡於牀塵兮網蛛絲於門楹胡藍縷而不
完兮又機杼之無聲凜寒風之中人兮感促織之宵鳴
拂敗奩之殘蠹兮舊鏡黯以羞明銅釵折其半股兮亂
鬟鬢之縱橫拈竹筐之素縷兮歲欲澀而不行亦何心
於組紉兮况鴛鴦之能成袂故絮以假寐兮耿寒焰於
孤檠誰哀吾之窈窕兮幸自保其堅貞嗟父母之鞠我
兮美裳衣而蔽匿矧拂風而沐雨兮身乃罹於荆棘忍

須臾於溝壑兮豈敢休乎蠶織欲一街其盛年兮縱粉黛而無色羌鑽穴與踰垣兮謂善淫之為惑庶容德之可全兮雖凍餒其奚卹彼隣姬之纖巧兮日靚粧以登樓綴木難之克耳兮插翡翠之搔頭騁茲心之娛冶兮學趙舞與齊謳佩堦蘭以求媚兮祇怨曠之懷憂信怙寵以取樂兮盡夙夜於衾裯飛瓊觴以嬌醉兮秉銀燭而懽遊恨兀兀以獨處兮欲從汝以為謀細娛聿其可翫兮重桑濮之貽羞寫予心於溝水兮恐年華之遲暮

欽定四庫全書

淵頤集
卷一

五

李朝為春風兮暮則流水曰妍曰醜兮云誰之使見肘
波踵兮我樂乎此樂吾之樂兮勿傷吾貧寵之一失兮
金屋生塵固榮艷之匪望兮又何必怨夫陽春

欽定四庫全書

淵頤集
卷一

五

淵頤集卷一